



09718

知足齋詩集卷第八

庚戌至癸丑

大興

朱理

石君

結藏

予與定悅和尚識面在甲子乙丑閒時予纔十四
五歲師長予一年予今六十矣每歲祭掃西山及
于役往來過小井必憩禪房啜茗話舊感而賦此
相逢道左各童駭彈指流光鬢已皤桑下那曾三宿駐
井中應悟一空來觀河見性原無皺掣電飛塵不惹臺
四十七年如幻影東風著樹又開開

雙江行

為汪輝祖進士母
王徐兩節婦作

定山江流蕭山西其東浦陽之江東北折入曹娥支海

知足齋詩集卷八

一

門潮汐浩呼洶雙江流合清漣漪蕭山汪氏有賢母所
生曰徐惠且慈有王繼室厥考方尉淇尉以艱罷遠游
粵旅窮于次俄以喪輻歸是時二母交勸欲殉之上有
老姑下有穉孤饒饒小叔負且逋汝咷我咽撫厥子子
讀書兩母喜子書不熟我拊爾勸兒無媿子升于鄉徐
殯在堂子成進士王終于里進士念母心如摧泣血陳
狀上之

天子旌其閭徧乞當代鴻儒詞銘誄紀傳雅頌詩裴成
千部播四維昔王晝夢元白二鳥共哺五色雛朱衣暴
庭取覆之雛今挾天玃長離不見二母嗚嗷悲但聞長

江湯湯直到海願我母節長與江海清無涯

讀華元化先生傳

神龍蟄泥淵妙藥試泮泮先生喬佺流豈獨扁倉敵騰
騰犬奔蹄蜿蜿蛇挂壁奇術不可知破腹聊滿滌天欲
痛老瞞苦讀陳琳檄又令天倉舒吞聲卵已殞空嗟醫
國手莫援蒼生溺超然上九霄元氣調六羣我嘗夢謁
之飲我青黏瀝亭毒散膏肓氤氳媾蓀蓀披史讀陳編
沛譙緬遺蹟何當薦明馨庶勉勤惠迪

喜雪

丁東起宵鼓絳繚聆霞花中夜試兀坐斗覺衾欲加衣

知不足齋詩集卷八

二

單客可念麥潤農亦嘉素心淡溫飽吏職廬桑麻夙興
窺我園高下覆壟窪卉木擬瑤林菜畦撒瓊沙來牟或
可飽民樂官無譁天乎鑿微誠臣願豈敢奢

謹次

皇帝在書房時冬夜展翰寄懷元韻

明月照千川不隔江之永素心共千里昕宵必三省恭
惟

齋个清斗轉天機靜詩情觸遠緒泉汲金井綆微斯芻
蕘言亦入

聰聽領愚誠詎暄獻誤書類燭秉春隨四序升氣和萬

彙幸威儀詩戒懿興居書慎阿百言重百朋璨若瓊禾
穎何以致中孚鳴和喻鶴警

御製墨雲室記恭跋

黃山松結黟山雲廷珪鍊墨通犀紋具茨贈僧逾拱壁
千年

紫幄騰珠煥南唐世工久愈貴驪龍嘘氣空其羣隔囊
半丸走潘谷黃金不屑論鎰斤蘇黃珍重已如此後更
罕覩虛傳聞忽邀

睿鑒豈繫物觸石膚寸方氤氳名以墨雲貯

溫室普潤萬寶

知不足齋詩集卷八

三

天心欣

壽超金壺五千字

心傳松棟十六文依仁游藝各有取

三希翰墨交光斫霽卿九霄拜

嘉賜沫氐萬誦榮沐薰翰林風月未足數農功甘澤

宵旰勤祇敘九疇

省箕畢阜成兆室蕃耕耘

乾隆辛亥季夏書于小涪雲峻遺橐後

門巷烏衣望獨高星郎槎使夙宣勞不辭小隱珍鸞翮

自有餘輝蔭鳳毛甬海班荆憐臭味

丁未戊申晤君

涪

山宿莽感風騷素心三復賡蘭韻廿載歸來那愧陶君

次珪素心蘭韻詩余原句云
誰與託臭味千載惟陶公

重題外舅陳雨霖先生冒雨尋菊圖

黃花秋雨香滿山青鞵元斲從幽攀思南太守上官去
嶺煙箐霧披榛菅歲當己卯夏暑潦翁行萬里衝潺湲
艾者何方汲甘井笠屐到處畱荒蠻舊題此圖驚隔世
峩峩冰映初蒼顏三十三年一電掣玉樹彫落花枝刪

翁癸未厥世伯仲兩
君俱不壽子妻亦逝

山丘華屋古同感對之能不雙潛

潛季子弄藏重遺澤昔爾未亂今將頌顧我霜髭惜晚
節端憂無力甦痼癩餐英飲露夙有願何日歸老能投

知足齋詩集卷八

四

閒金霞茅屋聊信宿結籬聽雨看爛漏墓田可耕松可
爨贈爾一曲雉子斑方祝古
師生子素心邂逅足情話山風吹
帽谿流環神仙有無且莫問雪芽試漑黃庭關

吳山尊用東坡聚星堂雪禁體物語韻見示次之

春風未扇青條葉冬令催移黑山雪兼旬腸慣菜味腴
一曉眸驚豔色絕同心勞我歌正喧如願爲誰屐欲折
來牟出土纔蒙茸鮪鯉伏沙真撲滅張弓一拊赤子呱
織雲三日黃姑掣童戲欲作鱗之而姤嬌試點額裴纈
蜀荒吹猗可驅辜天策昆刀快泥屑載塗已聞青海過
見覲佇看紅旗瞥豚蹄且祝滿篝車民欲天從非駕說

徑須暢飲拋青春醉歌起舞如意鐵

錢忠懿王金塗塔

塔高今尺三寸八分重三十六兩四版合成中
刻吳越國王錢宏俶敬造八萬四千寶塔乙卯
歲記其一空其三下各有一保字外四面鏤佛
歷劫捨身事跡約略可辨上出四角八觚外金
剛八內佛相四其下跣每面羅漢三蕪湖陳明
府聖修之子廣寧得之於徐竹濤竹濤得之於
紹興壽量寺僧並錄明憨山僧德清記於冊云
萬歷初常熟顧耿光造其父憲副一江公塋地

中掘出一小銅塔高五寸許如阿育王塔式內
刻欵識一十九字外四面鏤釋迦往因本行示
相前則慈利王割耳燃燈後則尸毘王割肉飼
鷹救鴿左則薩埵太子投崖食虎右則月光王
捐捨寶首文理密綴滲以金飾顧爲太史錢公
母舅因公爲忠懿王之後以塔付之公得此自
號聚沙居士志因也乃送興福寺蘭若供養余
東游訪太史過洞聞上坐覩其塔奇其事因記
之萬歷四十五年佛生日憨山沙門德清記按
記稱高五寸許蓋塔上有頂作浮屠狀今損缺

矣又所稱餉鷹救鵠相殊不肖則此塔與慈山
所記是一是二未可知也按薛居正五代史俶
爲武肅王鏐之孫漢乾祐元年正月十五日胡
進思迎立之是歲戊申茲塔造於乙卯俶嗣爵
之第八年爲周顯德二年距今乾隆壬子實八
百三十八年也又按宋史俶名本二字以犯宣
祖偏諱去之今刻二名則在宋前無疑考宋周
文璞方泉集姜堯章金銅佛塔歌所云上作如
來捨身相饑鷹餓虎紛相向又云錢王納土歸
京師流落多在西湖寺爲得其情事而朱竹垞
檢討王漁洋尚書俱未見其物臆斷爲錢武肅
之事則誤也朱又云鄉人蔣爾齡得一版作放
下屠刀立地成佛相則知此塔所鐫故事本不
一也今此完好無缺猶見五代時舊物亦可珍
矣爲詩記之

陳君遺我古銅塔金塗赧駁般匝厥高四寸重六錢
范像鏤文辨可揭吳越王俶乙卯年敬造八萬有四千
顯德二載周禁烈

是歲周世宗
殿像鑄錢

開國五世錢江徧佛說

捨身事茫昧薩埵餒虎同歌利月光慈力解六根空色
人天摹瑣碎巋然四角環金剛功希孔雀阿育王江潮

歸海表忠峙十四州土完保障堯章頂禮歌文璞王朱
傳聞譌武肅刹那八百卅八春恒沙湧現金輪昱

雜詩九首

我聞鬱單越大樹菴婆羅草輒豔孔翠蹈地平不跛天
行無冬夏四序咸協和中夜降甘雨好風清晨過光珠
炊釜熟秬飯香玉瑳男女常少壯色好心無他目成適
所願妙勝歡娛多生兒置交衢授指乳湧醜自然衣食
足千歲方婆娑考終卽生天更上兜率陀

我聞混沌闢地味如醍醐諸天一孺指腹果顏更姝種
此食色性滅彼光明軀樂哉八萬歲衰盛相棄除遂令
閻浮界偈仄爭鎚銖地肥日以薄身光黯不舒何當返
太始一叩天淨居

知足齋詩集卷八

七

我聞壹壺交洪雨注車軸風輪吹沫飛層空鏤金屋中
貫須彌山四環光相燭十天治其都殊量同所欲華冠
忽以萎爲樂苦未足中有超覺者舍旃觀我獨我復何
有哉主默客不速兩忘成與虧一鼓無弦曲

我聞大鵬鳥搏翅海水翻頓食千頭龍鱷鱣安足吞翽
翔四天廓胎卵蕃子孫八千壽命盡自投金剛山骨肉
旣銷鑠心出明珠丹難陀取玩之纓絡光貝珊可爲貪
者戒及早持八關

我聞阿須倫采華四天下布海欲釀酒不成空自咤海
波深及邳崑頂高方跨手撼七寶宮亢戰力可霸豈知
虛空刀百體嗟已化逃魂入藕絲微比蚊睫罅可爲夸
者懲勿學鷓鴣嚇

我聞過去世雪山翮鸚鵡反哺報所生銜穗勤復取田
者羅得之能言一何苦非敢盜汝穀哀我父母瞽又聞
鹿皮睽深山奉恃怙見軼迦夷王天釋爲悲怒神藥療
而甦二親目亦瘡如來說前因惟孝種佛土

七佛皆有子耶輸乃次妃何曾外人倫不著如鬢衣是
身青蓮華出水根自肥三天一說法眷屬同皈依六根
旣解脫五欲何順違莊嚴寶海藏清淨摩尼輝願登白
牛駕莫戀園林菲

我聞世尊說五濁惟娑婆於此作功德千倍佛界過火
中栽蓮華妙勝香最多神龍淖其尾九野行滂沱發願
詎不大力歎將如何

我聞忍辱仙端居智慧林歌利挾眷屬游獵方酣沈衆
娥謁仙喜聽法心愈欽歌利覺而駭逐鹿相追尋問仙
鹿何往慈憫口若瘡七體遭割截骨肉何淋淋誓將度
凶戾法忍忘嗔心帝釋爲震動神變來訶禁金軀條完
好膚腠無損侵未來五百世成此百鍊金乃知懲忿火

須用恒河深

客各有懷無以解之姑爲談世外事所謂何不食

肉糜也偶讀古樂府來日大難難篇極陳芝草仙藥

而申之曰親交在門飢不及餐歎人情今昔之同

而學道之所以難也爲仿其體卽以自嘲

來日苦短飛光電過與子邂逅聽我高歌解一天有兜率

地有蓬萊神人遨遊千春嬰孩解二中夜氣至壹壺降雨

甘露神漿靈娥哺乳解三客聞咄咄家無黔突鄧林遙遙

莫知我喝解四富貴心勞貧賤鬱陶誰能度世仙人王喬

解五吹笙洞簫仙乎下來晨餐有命宵尊方開解六

天門開

知是齋詩集卷八

九

天門開鳳凰下交光珠照九野萬神繽紛騎黃麟白象

於菟辟邪洞觀赤子心戢戢稂稂芽呼儔嘯侶歌踏龍

骨車

帝憐蟣蝨岷撮微塵戴篋藪汗出裂膚熱泥沒肘召跋

難陀喻江淮河期汝三日降霖滂沱跂跂脈脈嗑嗑呀

呀流膏飛滌滿甌婁注汚邪蒼浪高天俯瞰卑聽慈于

翁媪爍于雷霆傳相告語勿侮景與形臣聞

八旬聖人禱雨步上龍壇臣聞

八旬聖人禱雨步上龍壇願剋天稷水噴洒魏趙燕同

聲歡呼

皇帝壽億萬年

六月十九日龍挂

神龍雙空垂飛瀑千尺上童耆驚拍手靈昭卓莽蒼夏
畦方顛吝秋節逼沆碭齋心近七日密雲時畜養望宵
暫灑歡伏半緬滌盪良辰蓮界淨慈願通胎蠻青天一
渙汗受命捷于響蛟螭擺鱗尾倒景露倔彊雪然萬斛
珠赤水傾象罔我苗淳以甦農歌媚厥饗自今祝甸膏
相期賽秋穰何以酬龍公二簋可用享

偶感八首

知不足齋詩集卷八

十

未老營菟裘先冬謀旨蓄人生無百年魂去空枯髑飄
搖何所棲渙若輿脫輻至人鍊精氣凝神元牝谷及其
乘化時得意隨久速此理本尋常秋稼春播穀如何秦
漢皇海外求餐服盍歸寸田中萬徧黃庭讀

化人空四大聊作中假觀如雲雨萬物青穹淨無端了
此一合性萬天何其寬善解六結中手振波羅紈是理
甚分明波旬說空調神功真不有一拂花雨霽

儒者如種樹培根埃其枝雨暘更風露灌漑各有時開
華何灼灼綴實復離離梁棟或可貴斧斤亦不辭松柏
傲歲寒桃李妍春姿剛柔取震巽曲直隨所宜木神固

不二薪盡火自移朝聞夕可死名理誰能窺
眼中相見人皇皇各有求豈伊不慕道所答非所諏有
如在波濤而與度輪軸人生祇一身萬感紛千憂何時
待子暇共子談天游天乎蒼蒼遠噓息同摠流我憶古
達者榮公與莊周長歌行帶索至樂非濠儵晝思夜或
見素心永綢繆

人生急衣食動與憂患嬰當其無事日幻妄希奢榮捐
捐閱寒暑鼎鼎何所成君子思厥職越畔非敢耕於此
得閑暇收視觀我生譬如餐與寢晝夜自有程養之以
冲虛恬知妙合并古稱三不朽太上忘吾情

人情競所少已得無餘歡誰能借彼鑿而令我暫寬以
此喻求道孳孳敢晏安金剛心不住龍用神無端禹功
不矜伐孔過猶假年河伯驚望海愚公志移山羣生各
有適殊趣同一觀

般庵識暗鈍兩言不成知誦掃帚若失誦帚掃已遺專
精不退轉聲出涕欲隨六年忽大悟神慧除貪癡騰身
跌虛空驚倒婆羅師蠹魚飽萬卷不如脈望飢多聞誠
足貴守一道在斯

惟皇示彰輝景響符形聲風霆皆教育用意在好生欲
假一夫善洗此衆沴盈有能若厥志愛護相提擎初猶

試摩礪久乃扶欹傾如何人不信巧與天爭衡遂令大
慈父雪涕隨鞭撻天心見坤復梅蕊芸始萌吾言非河
漢請叩魯兩楹

聞章仙洲編修赴

平生夢繞水雲鄉慕道修文尚渺茫一載離尊成永訣
去歲六月初旬別皖十年善果詎全荒萱帷養志貧非病蓊命多
情感易傷君連年有西河之感最是驚風吹逝水蓬山何處問梯

航

七月十五日望雨

四牛欲鬥不肯合空雷密雲風颯颯蔚藍高高不敢捫

知不足齋詩集卷八

七

龍骨踏翻腰脰摺齋蔬半月心如熏垂楊左肘膚苦嗜
乘軒無功鶴自愁堰水將枯魚可罾淵珠誰掇驪睡酣
天壺不聞娥笑雪乾憂何術暴沍巫直欲飛精叩閭闔
豈惟秋炕懲稻蟹安望冬饒通蜡臘穹慈或憐蟣虱焦
氣纏暫教山澤沓蒼茫靈意不可知一夜冰夷鼓鏜鏜
相呼賓從歌滬陵徧賽祇壇醉疊榼

謹次

皇帝在書房時寄懷三首元韻

取善納壤流論功次梓匠天風吹鸞音千里素心暢鹿
鳴喻周行虎門觀德尚下濟旣勞謙上達方大壯別來

忽三秋引商送高唱鴻書賁南遠斗蓋惟北仰圓月渡
銀河翹首當宵望朗然心鏡同明聰超婁曠

原泉進盈科行潦亦挹注養深貴有本實勝乃流譽憶
初奉光華歲月一何遽中閒使浙閩皇華感征路十年
侍經帷下問勤禮遇俄承皖疆命飲冰惕齋署積書懷
已盈望遠思難駐何以助高明日新在昕曙

月露遠懷人暘雨勞問歲誰云別離久不吝金玉惠南
箕北有畢雖遠光相逮寥空碧天高夢繞飛雲在肫仁
篤本根藹吉流餘愛秋實映楓林黃髮思老輩粹然天
瑜溫不厭他山淬勉茲報瓊投詎敢效忠誨

知是齋詩集卷八

三

抱甕園菜根香軒聯句

同人快盍簪序齒試齏菜月藏秋中輪盤陀星聚雪堂背

糝金桂粟零黃鈹綻碧菊叢蕤掃徑開酒尊黃涿擘牋授吟

輩錦繡競鋪列凌廷堪丹青五藻績風辰和篋筭張若霜

令磨戈斲江鍊射遙明陀山眉畫長黛不速三客來鈹

賈勇兩軍對偏或承以伍涿鼓懼衰于再已滋田園趣

堪詎告老莊退芥子衆妙若采瓠實千金貸雁木擇材

難陀馬指選義礙懷新悅青葱鈹去陳撥蒙昧譬彼調

蓴羹涿當以鹽豉配有如治蔬畦廷堪母致耘鋤廢蘋蘩

葦筐筥采芹茆升竄竄拔葵愧公儀陀薤草記小戴蒿

邪馮諫傳鉞蓬直荀論載茱藟五味偏洙葑菲六利在

凜茲置薤心延不改斷齏態道腴挹天漿采仙蓄發地

肺肉食嗤班君陀苻芼薦文妃微材費薪蒸鉞枯荻飮

沆瀣慚非桃李投洙欣緝蘭茝佩師門識淵源延講席

荷津逮是日日未晡采八月月將晦論心數年隔陀努

力隨時愛況茲侍履約鉞何幸依泰岱時陪下帷窺洙

請學抱甕漑聆論竊與元延堪徵典并及內軀腹儉一字

采蚌胎含百琲詩成書入分聊倩阿買代陀時五姪錫田侍坐

重陽次日候題名錄有作示諸君

木樨香散菊香開九點齊州馬蹴埃幾路登雲排雁字

知是齋詩集卷八

古

無邊吹海暴鯨腮等閒袖手聽碁落結習關心見獵來

漫詫葢珠同鄭重屈伸消息屬人才

晨飧

晨飧啖蔬菜如讀淵明詩清腴有至味舌本生華滋頗

疑六識根違順非眞知豈獨嗜芻豢濃淡各有宜列鼎

羅珍羞目食徒自欺潘陸競雕績雖美情不移投箸聊

自哂况復有朝飢

書明楊文襄與曹總戎雄扎卷卷爲周方伯樽所藏周雲南人

安寧總三邊實繼王越後遏衝花馬池原涼安屯畝奄

瑾逮錦衣大功中掣肘再起相武宗伯安資師友遂成

擒濠勳反正兩不朽公與曹雄書御將如臂手淋漓遺墨瀟珍重比璋卣方伯欽維桑傳觀光照牖誰與社稷臣論世感星斗請爲叩鐘聲敬告九牧守

乾隆癸丑元旦奉到
恩賜玉如意紫貂裘恭紀

臣蒙

恩旨寄閱

御製十全記 喇嘛說 修德修刑論 書隋文

帝收元事文四篇 臣 跪讀敬釋具摺 奏覆奉

硃批覽詞過頌矣欽此 臣 隨恭繕成冊各綴跋於後並

知是齋詩集卷八

五

十全頌一篇乾隆五十七年十二月初六日進

呈初七日奉

特恩賜 臣 玉如意一枝紫貂褂一件真 異數也伏

念 臣 學陋才庸夙以文字受 特達之知茲守

土在外歲壬子一年之內奉

旨寄朱珪閱看

御製文共十篇賡歌喜起之盛咫接 光華而

巍功煥章豈克仰贊萬一況廓爾喀歸降歸順奏

凱班師中外禔福 臣 欽抃作頌筆不能宣乃蒙非

常 寵賚尤外臣之所不敢望惟有仰承

敷錫之恩與普天億兆自今至於萬年保極無極
謹述紀

恩詩二首

天光珍重照臣身嘉玉良裘

好賜申虹氣吉祥纒采就紫華安襖被

絲綸捧來元日隨心祝舞向同雲渙汗春時方佩服

醲恩慙報稱願推

宵旰煦蒸民

卿煙

藻袞望層霄何意

知已齋詩集卷八

七

龍光下蓼蕭西域闐琛宜解塵東平蕃錫重豐貂拜颺
祇愧錐蠡拙拊勉難言暄潤調獨有微誠銘在笥萬年

垂拱頌

軒堯

韓城相公叔度員外寄我鹿尾遂以餉客有作

麋獻分來鼎食豪星郎遠惠到江臯大烹直比牛肥臠

小切何須狼膾膏豐尾獨參緣督理顛頤漫與飲醇饗

容有大欲存者朝之味腴應飾齋厨嗇珍重承筐薦野蒿

次管農部世銘見寄韻

三年素食耻頤頤責善還須老友賢遷地易華非幹木

出山難保是清泉敢誇折角談經宿恐愧揮鋤異席年
天下才今應有屬無能底用簸揚前

狄李氏詩

教授堡之女夢鷺之妻姑于宜人

李君有女秉祖教適狄婉婉宜姑慈勤心侍疾奉湯藥
剖肱濡縷膏盲治左右漏言姑慟劇夫從母死婦獨嫠
夫有伯仲尚競爽若敖豈遽悲餒而汝父與舅感嚶谷
闡幽旌淑傳歌詩我聞此事增噓歎憶我有女馮郎歸
爲母剗臂癩淋漓三十輻斫婆娑枝念之老淚猶酸嘶
羶命夢幻芳菲李君無以愴我爲

乾隆癸丑五月二十一日奉到

知不足齋詩集卷八

七

恩賜絳色庫紗一端恭紀

絳霞一朵照江濱

加賚殊榮賁外臣細葛香羅應遜綺鮫綃蟬翼不飛塵

離宮丹製承端午

頃方拜端節藥錠之賜

異命銖衣特

錫申深愧鷄梁難稱服職思暑雨勉勤民

示孫涂元五首

五倫親居首百善孝爲根孩提知愛慕定省勤晨昏無
父何教育無母誰慈恩父子乃天性因之有祖孫汝生
早失怙視祖親勝尊汝母苦少寡待汝寒回溫何以解

母鬱何以慰父魂讀書勉爲善顯揚份

綸言娶婦侍盥櫛生兒娛蘭萱閨闈氣豫順和藹充乾
坤本原不努力後悔難攀援

尊卑實大義有

君有臣民士爲四民秀何況家摺紳粒食皆天祿日用
資官緡暴殄損餘福惰游曠良辰汝年已十六失學猶
蒙屯爾雅汝父書手澤摩未湮三經羸畢授禮記方斷
斷黽勉勿自棄溫故期知新紉袴衆所鄙清白無憂貧
作忠先思孝蓼莪念酸辛

汝生鮮兄弟羣從方怡怡推類以事長汝伯當敬祇昔

知是齋詩集卷八

六

汝父友愛同牀聯壻篋眼前子與孫每戒家道睽勿使
乾餼愆尚繹常棣詩遜悌乃全孝何以敦倫彝

學成賴明師善益資良友師勞學鮮功友損善何取黃
子長二齡經笥腹富有吐奇作詩文麟鳳輝郊楸愧汝
百不如照火厲自醜平地可爲山莫便安培塿勿逐羣
奴嫉鹵莽雜稂莠親仁志上達麗澤兌初九

三教皆有子二南先齊家易占男女正書協媯訥華俗
衰溺牀第矯枉行奇衰宴爾懷耽毒若教餒可嗟或過
或不及庸行何隆窳我生無二色汝妣瑜少瑕中年一
長別獨處甘匏瓜自調嬰與姪默轉氤氳車成真吾豈

敢望道或未賒五倫庶無悖提命非浮夸

乾隆癸丑中秋既望奉到

恩賜奶餅一匣恭紀

恩醴膏露

絳霄端珍餌

頌來自大官天乳玉酥金鼎煖地肥香草雪山寒百花

甜徹中邊味十字圓成內外丹

好賜頻仍慚素食勤思求牧問艱難

寄壽紀曉嵐宗伯譚蒼亭少司寇兩同年七秩

憶昔歲丁卯我初十七齡覃溪年十五翁閣學同舉京兆

知不足齋詩集卷八

五

廳紀伯冠倫魁口吃詞建瓴譚侯西江秀南斗劔發硯

子固與東坡誰敢分尹邢當時濟濟彥位業排眞靈詎

對彭老雉但辨終生誕袞袞卅七載睽睽八九星牙纛

劃滇豫馮穆兩中丞苗雨膏江寧陳方伯奉茲徐公近光尺徐中丞續

王子老汗青王太史燕緒伯鸞書拱璧梁侍講同書穎守廉絕涇

王太守秉韜王尊馳駿坂王方伯懿德杜子煮松苓杜明府鴻儒寥落

布中外泮渙交蘋萍宗伯扛健筆司寇欽祥刑踐台兩

壽耆夷臯賡姚廷七十肯稱老虬髯目析蟻九苞翺

小鳳譚公子光祥七閣勤聚螢譚宗伯遙知清虛堂玉山傾

銀餅嗟我阻江皖仙侶翹蓬溟何當左右手追躡希有

詭黃花重晚節蘭臭方聯馨卮言祝二老蕊珠貫三庭
金塗塔歌寄和陳中書慶槐宋孝廉世榮葉孝廉
騰蛟

忠懿四世傳祖鏐金塗鑄塔工雕鏤豪吟鼎舉陳宋葉
耳食劒映王漁竹朱坨青周上仙李根僵彗分照錦衣樹擁
潮倒流碧波投筆馗困鬼倥囚倣立雄弓裘湖山梵剎
遍功德金券玉冊齊高樓柴周銷象此冶造莊嚴無相
誰劣優銅花剝蝕捨身幻斲風斷水眞泡漚月光尸毘
難辨別餓鷹餒虎酣龜劉一方鞭笞到鷄卵繭絲保障
功罪侔十三州籍獻眞主愛子荆度方焚修八萬四千

知足齋詩集卷八

三

塔何有筏舍誰繫般若舟器猶求舊上天府摩尼帝鉢
聯共球藥階槐邸富手筆遠擲空費黃金捥老我齋腸
學鈴語迎陵難叶聲鉤輶寒宵籠月燭見跋勉賡三子
慚坡歐

知足齋詩集卷第九 甲寅

大興 朱珪 石君

謹次

皇帝在書房時仲冬晦夜喜雪元韻末有見憶之句

玉泉蠡涌三素雲龍歎鳳嚙連昕曠紫皇拈花香御笑

恒沙餅餌凌霄聞闔闔無風曉粟烈走馬天街奏新雪

金鑪伏火靜氤氳卸砌琤珠勢未絕

丹綸咨牧已更番 十一月二十七日奉 硃批不望

奏十二月十一日火牌 雪乎珪以二十五六七日得雨雪覆

宵衣耄念勤黎元

知足齋詩集卷九

御批欣慰來同日 十二月二十七日連奉 硃批欣慰覽之 驛使霖膏報

庶蕃 白雪陽春引下里三年小別心如此開甲雲依

玉葉藟由庚笙和嘉魚鯉

謁余忠宣公祠登大觀亭

開歲三日出郭遊登眺上達之高樓長江千里東入海

九華溟濛如蓓蕾我來再拜余幽公耿耿浩氣長於虹

當年血戰祝陳趙婦孺竝命張許同祠墓臨江怒潮湧

想公騎蛟會胥種人生奇節本倫常天上雲車待推轂

大觀亭面水滔滔六出花飛點繡袍皖人秧歌神福我

旛鼓迎春麥鹿埵

王子潤生作三柏八石四苓圖貽我以余今年六十有四演卦數而爲爻三百八十四齡以喻祝意

輒題一律

引伸觀象復觀爻數擬周天閏又交

閏年除小建爲三百八十四日

翠

柏三株栖孔鳳雲根入柱隱龍蛟靈芝對對奇成偶探策年年算不淆學擅六書兼繪事諧聲假借妙詠嘲

五代會

開歲方五日收族五代同我家本蕭山淵源福三公越寨遷黃閣西山氣鬱葱是曰德三祖卜葬景泰中縣懸七世遠增七我所宗四傳逮我祖北宦訖考終我父著

知不足齋詩集卷九

二

燕籍南望松楸空買田備墓祭追遠晞江楓庚辰我適閩始拜馬鬣封族人喜我至簫鼓夜飮豐竭來卅五載壯耄蒼孩童三年典浙學錦衣豔鄉農中間八度歸圭田將倍充廟祠儼昭穆隴莫芟榛掣二分及寒食割肉須蒸麩村塾亦有師十畝束脯供周急視餘夫鰥寡利秉稷尺水豈儵樂智井資鞠窮我今持皖節朋來隨燕鴻去畱十二人度歲尊燭紅班班五代敘葛藟蟠根叢雞豚勸耆弱鳧鷖歌沙溲我老撫孫枝亦解誦角弓菜香肥可煮梅粲葩正穠各勉四民業爲善餘慶鍾

喜小迂挈令郎採至壘韻

扁舟仙侶喜重來掃楊光風幃復開艇辨終郎齡未冠
雪調張籍酒新醅綠肥秋桂嘗階茁紅綻春禽繞樹徊
問訊獅林名甲第松根虎珀好栽培獅子林君
家園名

大雪分韻得在字

龍女吐珠獻華海瓊瑤垂天眩晶瑋接手恒沙香界霏
峨眉老宿嫣然待玉皇曼壽開天門瑤妃萬舞霓裳綵
遺簪墮珥裊風輪化作閻浮億葩蕾羣天宴罷寶樓歸
蒐春組練通犀鎧後奔鵬摔落毳毳萬校啣枚肅真綵
盤陀居士正閉關雪壅黃芽觀自在起看滿園綠萼封
江上漁歌靜欸乃老農醉嘆問雞栖蝗深八尺斲收倍
黃緜襖出霽霖淙紫陌燈毬耀月彩

知不足齋詩集卷九

三

聞寶坻王室六妹詠二首

難對紫荆樹凋零汝一枝冊年驚世閱三藐定心持子授
妹心經常
所持誦嫺淑尊章順柔勤家室宜生慈今皓髮長慟
更誰依

王郎能謹厚勗子望偏深勉讀青箱籍妹家青箱樓
頗有藏書難

忘畫荻心百年小別近千轉大悲音子當為妹誦大
悲咒千遍度之菘

命何愁苦子向推妹星命
四十外有厄蓮因尚可尋

作公田記成述之以詩得二十五韻

我家黃閣河面水負西山遠祖始卜宅乃自永洪間德

公生於洪武廿五年卒於景泰七年然則遷居當在永樂洪熙間矣淵源四百載力農常

苦艱日章我高祖擐甲強弓彎傳聞死王事茫昧輪蹄

殷高祖日章公諱尚綱傳聞膂力絕人明末官游擊卒于外以衣冠葬然不可攷矣我祖宦遊

北母喪歸狸斑先祖中書公知湖北長陽縣丁母白太夫人憂扶柩合葬於西山邱家莊父

兮著燕籍南望荒榛菅宰樹悲尋縱置田寄蘿攀珪也

賴先澤繡衣度霞關涉江道西興扁舟溯灣濶宗族喜

我來歌舞童與頌我思承考志田豐胙可盼

天寵持使節故鄉豔錦還榻來八上冢圭田潔華蘭今

我撫皖江一水通潺湲公田足一頃四世榮

絲綸越寨計畝五追遠義不慳宗祠與近族五十分循

知是齋詩集卷九

四

環十畝助鄉塾識字戒蒙頑周急畝廿六秉穗濡俾鰥

其餘九畝縮官稅供非閒銖黍出廉祿敢溷金夫鏹苞

體念行葦保裕先痾瘵葛藟尚芘本延蔓詎可刪作詩

告後來家訓期踰顏

次陶生登雲讀黃庭經韻

三田元牝灌萬神黃中該金籥執道契霞書授仙才誰

爲令神泣何以制齡頽手把玉樹杖足蹈靈關開桃康

丹元種內芝嬌女栽坐看龍幡舞不憚虓怒摧抱黃侯

芽苗迴紫流雲堆重樓接銀漢焱駕往復來卮言雖日

出祕要君勿猜拍手游藥珠相與朝帝臺

皇帝在書房時賜和紀
恩詩韻敬疊寄呈二首

歌雲贊日盛

虞嬌糺縵光華快牖窺自是

心傳先典學況親

身教冠經師圍橋刻石文同壽

左个磨鈇蘊共披何

幸

鐘鏞收注脰不嗤芹曝獻編黎

品題榮溢寶華裝

知遇恩濃

知不足齋詩集卷九

五

玉案香報

國有心惟夙夜通經致用乃休祥

書帷不隔 三天

雨 詩卷頻分四照光計日 山莊重

霽接

淵源應許問津疆

禽言四首

割麥插禾活活盈科大麥黃塚小麥青坡秧鉞剡剡搖

曳綠波雨甘露潤日暄風和呼牛叱犢或寢或訛夜息

早作飽喫餽飢

割麥插禾農忙若何官無爾擾役無爾苛泥深滑滑尻

高背跼燒薤糞水齊唱秧歌秧嫌雨少麥要晴多天如
汝意晝杲夜沲

割麥插禾起起哥哥拾薪姑姑燒飯阿婆前邨打鼓後
塍敲鑼黃花金散石榴丹酖黃鸝栗畱白鷺食茄麥秋
早稻日月如梭
割麥插禾布穀淘河喑喑嘖嘖竊脂須贏燕燕脚泥巧
婦織梭莫怨姑惡皈心普陀飛去聽法白衣鸚哥迦陵
仙音般若波羅

雜言三首

夢中視我身幻作我六親或負老父憊或倚慈母仁或
與我昆狎或與我室姻旖旎相憐愛疾痛相喚呻覺來
乃大悟胖合形與神此我本非我更誰爲眞獨有亡
是公不言笑而听

人皆愛其體鬼猶戀厥尸此中有三寶與之相憑依釋
者惡而逃仙欲蛻且飛聖賢敬吾身全受必全歸我今
作中觀形影忽合離合之成兩美離此主者誰中夜耿
不寐皎皎光照眉

五年寓官舍四時足盤桓嘉樹交鬱鬱好鳥鳴關關一
朝舍之去三宿夢未闌我身喻此屋俯仰六十年棟宇
豈不好雀鼠穿其間脩治勤補葺朽蠹難牢堅有時適

曠野仰首看青天冷然御風列翩若騎麟韓

恩旨獎賚恭紀二首

經經緯緯煥

天文金鏡高懸萬象分精析麟書昭袞鉞貫穿馬記辨
猶薰闡微本自

心傳印比事俱關

治法勤景仰何能窺

聖學愚誠竊哂負山螽

綸褒好語朶雲開珠雨深宵喜氣催時正望雨得雨疊雪含風

宐變性金壺玉管愧通才佩香夢繞含香近

知是齋詩集卷九

七

殊賜榮偕節

賜來是日同拜端午藥錠之賜偻指

螭坳重晉接願隨載筆頌

臺萊

慰吳山尊悼亡

刀尺無聲玉鏡封那堪風雨對花禳半生易了三生石
短夜難催五夜鐘禳褐鳳雛應索飯倚閭鶴髮正扶筇
知君亦解南華達望斷層雲說盪胷

送吳玉松吉士

一尊舊雨憶擔簦重棹仙舟慶得朋心部定涵金井水

頭銜須耐玉堂冰幾番視我頌添鶴此去期君翼運鵬
開濟要從書卷出豈徒高爵賦觚棱

憩東林三笑堂和陽明先生正德庚辰二月作韻
我夢匡廬拾瑤草潯江片帆風正好今朝颺怒虎溪嗥
暫憩東林緬三老種桑翁抱江頭哀未言心醉蓮花開
結侶娑婆脩淨業斯陀舍果無往來姚江摩天折大首
談笑奇勳奠尊酒四無斂手歸太空三立如公亘不朽
雲峯朶朶排霄庭石門雙闕環洲汀行將觀海騎鯨去
回首名山萬疊青

度梅嶺謁張文獻公祠

知不足齋詩集卷九

八

南枝初度嶺頭霏全盛開元達九畿憂國霓裳方萬舞
潔身海鳥已孤飛雲霧翻憶千秋鏡天闕難憑一柱巍
過客徘徊仰風度三生誰辨曲江磯

游清遠峽飛來寺

天風送我颿如馳二禺入峽舟暫檣攝衣登岸謁古刹
殿壁傾倒龍象移崎嶇右轉憩西閣瀆湟俯瞰環清漪
山僧導我上絕磴兩吏挾肘憑扶持仰望飛瀑挂千尺
揮汗透綵涼生肌連理枝樛女猿戲阮俞竹老雄鸞吹
泉甘試飲定心水丹練未采金嚴芝坡翁勝侶此追逐
松門雲碓畱佳詩塵緣袞袞那得住隨潮直欲觀天池

六月廿有八日閱廣州城登五層樓簡同遊諸君
軒輿環覽城四周樞衣北上第一樓珠江如帶萬鱗屋
天風不隔神山洲五嶺以南巨都會海氣腥溼人囂浮
萑苻出沒蛟鱷橫雲茶逐靡綦縞羞蜃臺貝闕蕩心目
爲利熙穰甘饗偷番艘連翩逞淫巧地險倔強夸趙劉
聖朝威德輝四表安南咭喇虔共球吾聞捷外先鞏內
馬剛善馭轡則柔陽鑄爭噉盜泉水繭絲寧免蠶織休
潮陽太守曲江督到今尸祝猶歌謳鯁生竊有伐檀願
負乘致寇慙蠹存物煙自動鏡自靜觀民觀我神瞰幽
得情而喜吾何敢中孚或可豚魚求仰天呼吸通上緯

知足齋詩集卷九

九

敬告僚友欽鞠謀挈瓶之智不失守銅壺漏箭貞枵媿
雙門樓觀銅壺滴漏延祐三年所造陋儒高壙豈不忝

恩深肩重難言酬山川信美非吾土輕裝歸去身早抽
送許春巖方伯告養歸浙二首

甘棠久蔭海山偏翠羽明珠意淡然歸趁湖鷗宜放棹
譜將陔雅侑長年官聲夙比臨風鶴家學重尋舊日氈
尊大人爲名廣文試看羊城香滿陌口碑爭說使君賢

蘭譜淵源雅不忘

珪與方伯尊人同舉丁卯鄉試方伯座主耳山憲副又出笥河先兄之門

相逢燕鴈遠于將

子來甫越旬日而君卽行春暉玉樹枝層映孝廉

克承家學

秋老黃花節更香天與完人歸錦晝時收霖雨愛

榆光寄聲角里馮方伯

謂星實鴻臚

好繪荀龍過二方

七月初六成之姪忌日

咫尺浮山麓來游意若何
林風空萬籟海月印三摩
掃洞心眞換過庭性不磨
應憐老癡叔辛苦到南訛

甲寅夏杪晤舊友徐殿騶秀才於廣州感而有作

五十年前與君友君頷未髭我卯首五十年後今謁余
錯愕相視霜髯鬚笠簷車馬夫何有萬事浮雲幻蒼狗

問君何事到羊城河干先生方出守凝香官閣半生徒

縞紵尚有錢塘吳

謂吳大聞生

蒙戎克耳返鄉井宿草已蔓

孤山孤野鷗曾意張方海

名秉嶽君因方海而受業河干師之門

文奇詩

知不足齋詩集卷九

十

險驚眞宰方干未賜及第魂玉川無復添丁在先生八
秩老靈光我持使節頻升堂誦君五字傳衣鉢詞清味
永嚴滄浪窮益工詩羞乞米獨操成連嘯海水十觴綠
蟻開醅顏誰識當年徐孺子

皇帝在書房時以珪奏請

陛見未蒙

允准詩以寄懷敬次元韻

向日身南行依斗心北指五秋西來風三江東去水自
我別承華中宵夢未已鹿鳴思萃芩魚麗歌鱗鯉相
望星火流不隔

天光咫尺拜對揚休鶴和同心喜何意朝宗稽更荷溟
池徙徘徊念 經幃懔惕捧

綸旨雨寒尚思其珠翠姑舍彼飄飄雲中書忽向天隅
委情深文逾明道遠心在此進修密三餘懷袖盈千紙
湛清堂卽事次戴蓮士學使韻四首

恬智於何較寂喧誅茅開徑得林園萬竿脩颯疑無暑
一頃灣環信有源茂叔恰宜蓮共愛米顛漫詡石爲尊
平章更植梅千本坐臥羅浮艷不言

蚤雨方闌積潦收晴光穿漏墨雲油探灑洗眼宜休夏
君試士方竣 求牧關心屬晚秋炎海新輪驚轉轂予到粵東
市月矣

知足齋詩集卷九

士

蓬山舊侶愜同舟披榛要待黃芽茁相與還期物外游
忙裏偷閒四大身娑婆淨業辨根因鏡臺蟾度還相印
蓮葉魚穿不動塵八海酸鹹殊嗜好百年辛苦漫沈淪
與君樽酒論心夙更向漁舸認去津

石華海月若爲探咨雨占風夢自慙上士應知仙換骨
難兄曾憶佛同龕謂臥禪居士濠儵雙樂遊偕惠璧馬三言

寶竊聃對論高松眞不厭木樨花發好頻參

登肇慶閱江樓

雄樓四達開軒窗負星

七星巖在其北

面鼓

銅鼓山在其南

臨西江賀

梧遠導自黔鬱高峽近束收崆峒端州形勝實都會岷

俗剽悍其言咙東南距海四百里三川匯合迴奔瀧今
秋江漲釣臺漫睥睨俯汲摩梳籬怒潮上涌建瓴下兩
雄勅敵誰肯降兒啼登屋魚入巷羚羊倒咽號羊腔田
園冲決廬蕩析磬鳴四野愁津石節府西經側跋履飛
書告我吁洪澤連名請命上

閩闔遙宣

堯禹恩停厖便宜散利拯疾苦扁舟暫纜存雞虵鏘銖
升勺計口率睢盱憐此情愚蠢晴光及旬水歸壑晚播
尚可疏豆豉艱食鮮食

帝之力鞠人謀人心則懣據高俛下仰天咫呼吸聲應

知足齋詩集卷九

十一

凌空躋窊間星使勒長句

前學使翁覃溪有七古

健筆頗擬龍文

扛邈迤許生七閩秀

庚戌進士許作屏客郡署偕遊

哦詩浮切精敲攃

嘻余民瘼費求度雅興束手牘走麗水監何有稻懈急
海國善幻魚龍撞牧羣去害告僚友信美非土嗟此邦
力微責重三自省擇取那得熊魚雙何當歸去老齋介
玉樓挽水車淙淙

望斗

我來天南東西北望珠斗方知地輪移已逼左海右宦
游豈不遠萬里頻回首匡衛環極辰星槎轉月酉受
恩逾高深我行忽永久初心愧羣黎晚節畏益友五年

感鴻飛何時親鳳藪良夜獨徘徊永言懲棄負

乾隆甲寅

恩科駐監臨院次德定圃前輩庚寅辛卯甲午科詩韻

四首

匡衛應連匡戴傍珊枝照眼屬提綱弧南星見開丹籙
斗北光分闕玉堂瓊院同持槎使節隔簾遙度桂宮香
平生屢忝司冰鑑到海還誇選佛場

江南舍後海南移拾月寒華又一時寶氣排沙憑夜識
空羣嘶影要心知人間玉尺非無度天上朱衣更有司
寄語觀潮袍擁鵠使君火急擬催詩

知不足齋詩集卷九

三

鴻漸高秋玉界寬參橫漢轉正芒寒珠江不少騰龍劍
春嶺誰拋抵鵲丸六乙權衡憑左右三門咫尺狴檀圖
捷書夜報如茶火自哂諸侯壁上看

大書深刻棟榱間鈴索無聲鎖閉關後閣品題頻鄭重
前型風雅尚追攀三眠好聽蠶絲軋一矢驚看雉子斑
知有文章華上國豈徒琛貝輳交蠻

送胡果泉郎中使旋

九江澤東匯靈瀨鍾伊人求生協明允論文必清醇釀
墀拜使節珠海搜瓊珍傾蓋接衡宇杼摐懷抱申老我
喻農馬岐路咨涯津君如出水劍高躍凌星辰我如撓

棟桷半蠹空輪囷相見旣云晚欲別重逡巡何以爲子
贈琪璧先駱駟斯道或不遠求已莫問鄰上善貴善下
百谷輪齋淪不見黃庭說積此和專仁活人逾千計蕭
然遺厥身湛湛西江水可以鑒吾眞

送錢湘舸宮贊使旋竝簡同直諸公

壽夭無量

恩敷覃斗車戴匡星指南誰其使者翰林伯五雲高甲
魁象三駮哉錢君巍第蘊沂國文毅遙斬驂承華侍經
式風度拱揖肩袂快盍簪輕輅度嶺下滇水仙舟入鏡
芙蓉函技文老眼燭見跋五雀六燕權衡堪驪珠一握

知足齋詩集卷九

古

果照乘選佛與我疑同龕

君所取解元葉鈞乃子首僕一指者

清樽相對

傾素抱如君慧業眞優曇聲名官職亦何有視履蕩蕩
摩蔚藍前因何所好自證莫令蓬嶠迷煙嵐我衰已苦
到岸晚纏縛未了三眠蠶君今五十心尚壯濯手錦漢
霖施甘星槎此去渡江北匡廬眞面憑君參舊巢好在
鳳侶萃風味清絕方傳柑瓊樓高寒隔塵界遠夢猶作
騶生談他時握手應大笑番髮相視誰鏗聃

恭和

恩賜

御筆書扇甲寅季夏題秀起堂詩元韻

臨流聖喟然拈花佛莞爾是實無卮言非空有妙旨山
靈環貢秀

心鏡印精理東坡物外游言詩商可起

揮扇來薰風木樨香到此

馴遠伏柔象歌

我

皇揚武崑崙西六牙馴伏金狻猊么魔廓喀狼載跋小

醜用壯藩觸羝

天兵飛將渡青海下壓峨嵋絲萬仞低熱索橫穿雍鴨隘

帕朗直上懸猿梯七戰七捷偪陽布百里架入庭將犁

知不足齋詩集卷九

五

降幡夜豎龜鼠拱乞命

天子完旌倪

帝德好生湯網闢

天所壽育皆蒼黎昔彼歸降今則順面傷不獻來非迷

噶箕脯飫 紫光宴

鈞天樂震謹任鞮巨象蹒跚迂萬里隔歲乃至偕駿驤

厥高踰丈雙突兀載瑜不動金月題

錫名伏柔與馴遠緬花掌子隨牽奚對仗牙排地負嶽

御河鼻飲天垂霓寶瓶莊嚴秋駕穩

宸章鄭重

皇穹禔象乎豈忘戰身毒海今不沸收鯨鯢
十全功成四靈晷瑤光長朗星聚奎

紫雲騃鳳臆騷歌

馴遠伏柔之象何崔嵬紫雲鳳臆聯翩西極來散羣吟
薩克與布魯特念爾蹙踏青海冰皚皚拉特納巴都爾
所跪獻達賴班禪分

錫榮龍跡噶箕奉表宴賚已歸去 天閑八駿四駿今

追陪

八徵

天子調御六龍健此馬亦得按轡隨鞭枚

知生齋詩集卷九

夫

作詩誌事憐彼跋履力

武功

天贊偃伯歌靈臺是惟懷遠在德不在物乃信專精厲
意通

九閔騃乎踏玉駒騃驥厥首詞臣第頌天驥同呈材自
今至于百千萬億歲吉疆乘黃壽共

天增培

十月二十八日祀南海神廟觀日出紀事

祝融帝衡嶽南海王德同孟冬秩禋祀厥惟旣濟功我
來拊嶺疆壤莫敢不恭前期致齋沐棹舟溯清風五漏

謁廟陞鶉首星正中祝神捍民患盪滌鯨鯢兇粵以雨
爲雪施潤膏稂菘監我求瘼誠陰隲亮天工禮成復端
坐待旦睇瞰東右上浴日亭鈎月宛仰忠淺繡間淡碧
綺霞漾青穹參魁朗相枕引手摩張弓久遲虹散海沙
嶼分迷濛幻景出洲西吸縮眞沖融橫陰貫離腹銜壁
黃金釭漸升大圓鏡四圍懸玲瓏蒼旻久未合搖蕩方
嵌空須臾光四射誰能睨重瞳憶昔岱嶽頂觀日體不
膏凹凸赤瓊瑰爛未磋礪何當辨眞象上與羲和通
旋臚聊紀述願言叩鴻濛

聞馮壻秉驂耗傷之

知是齋詩集卷九

七

楚楚稱翹秀居貧氣自豪當年期國器中路解天殄桐
邑那無食桃津或有舫獨憐雙弱女孤露更嗷嗷

喜姪孫澄秋捷

憶爾初生夜宜春肇錫時

姪孫生于丁亥立春之夜仲

贈以乳名光陰催我老科發又孫枝

予與兩兄連科出

今孫又書錦隨斑舞

伯昭姪奉

重闈展案眉

兄嫂齊

何保餘慶方寸是鎡基

寄問庚姪

阿咸原不俗摘阮貴平和性火柔剛濟慈暉霽豫多讀
書先化質學道必祛魔耐得黃蠶味遺編屬小坡

喜雨東長制府二首

敢說禱能應從來

天愛民疎疎鳴葉乍密密滴簷真炎地同三白

粵東以雨爲雪

靈膏間五旬願將一夜渥濡灑十方勻

節府心同印前因化雨多端來華世界徧布曼陀羅虔

達龍宮闕清澄鱣海波自看笠屐相歸夢繞煙蓑

過三水望雨

六旬未雨河落灘三水西北尤咨艱夏秋苦潦冬苦曠

二麥芋菽愁民餐我昨籲龍兆已見爲我起蟄濡鱗鬣

久晴作雨雲氣澀江海助勢宜推瀾月行離畢入北道

知不足齋詩集卷九

六

細爲霖霖濃濛濛來牟青青霜犁發早禾剡剡秧鉞攢

嶺南節候異中土歲飽三熟衣忘寒陽和發泄四序錯

外強豈免中則乾火房水濟雨卽雪天從民欲施甚寬

陋儒無功食天祿每飯竊念農桑難萑苻未靖海氛惡

逸淫遠善爭鑿利何當元氣復惇朴不用救急勞纓冠

勗哉有心各努力雲根呼吸安于磐

高要謝檢討啟祚百齡有二

耆英九秩賦寶典

丙午舉鄉時年九十有四

仙侶瀛洲大耋登

丁未

欽賜檢討

五代添丁成六紀

五代一堂共五十九人

百年數甲又雙增

最難矍鑠衣冠稱真見康強揖讓能好報

八徵

天子聖海隅三壽恰爲朋

同時百齡尚有陽江一人惠州陸豐一人

聞韓馬平廷秀凶耗

官以窮而縊訛傳詎忍聞娑婆眞惡濁容易喪斯文空負詩書腹應傷孔翠羣蒼梧鸞瘴疊何處寄孤墳

示吳生慈鶴

吾觀吳郎文歎玉輕萬里華河兩摩挲夸娥挾而徒如登希有脊忽掉巨鼈尾點竄伯翳經孺濟文選理乾坤得清氣萬怪簸糠粃其年未弱冠三舍走牘起騏驎老始成鸞鳳不受滓積善日加益嗜古醇更美鬢鬢出頭角惜哉吾老矣人才爲世需藻績非華已吾聞莊生言惟虛吉祥止又聞濂溪說實勝車合軌虛心實其腹吾以贈吳子

答吳生慈鶴古詩一首次其韻

秀靈匹兩大人 才莫卑 高心聲發三籟氣 壓江海 颺夙慧得吳子 峩峩冠 譽髦芙蓉映 暎日赤城吐霞標 我衰好技彥 識寶老眼昭 愛其健扛鼎 筆陣雄 搗標長河出崑崙 曲折千里濤 獎賦贈以詩 牽率徒謹 譏瓊葩忽投報 萬靈擁紫輶 上言六籍 奧秦火完 繇及華離詩 與書矛盾同室 鑊中言 保氏教 許蔡篆刻勞 十鼓迷 趨趨九

奏亡章鰲下言著錄手萬馬誰韉鑿子長轡一龍昌黎
學諸毛淵源熒流別精理棄魄糟智珠洞重闐鳳髓煎
合膠感子大叩勤震我充耳鈔子誠天廟玉底用鬼斧
雕子如真蚪螭無取葉畫描干將一躍冶百怪皆遜逃
惟當肥其本蕃衍盈碩椒多聞闕所疑好古慎詆訾爲
善日不足辨義躡可饗夜光照赤水晨鐘清蒲牢保此
善者幾靈鏡獨存操養我正直氣勿使萬態淆湛如虛
室水瓦礫誰敢拋謙能王百谷河伯空夸呶後貌蹲深
山不逐貔虎唬德成格神聽勿顧人譽嘲出門考視履
上達天路遙俯睇小知者螻蛄與匭鼃施物霖出嶽正

我辰建杓金石在中流肯與羣動漂噓雲扶章漢漸鴻
儀赤霄樓臺詎幻蜃風雨看化蛟憶我十六七頭角初
冀冀欲甘脈望靈不作蚯蚓號牆面未優學于祿早玷
朝攤華飾輦悅執禮疎蒔茅養疴廢鉛槧繕性苦御調
衡峰瞰泊鳳闕海參鈞鼈橫汾歌伐輻濟漢懷播鞞黍
棠恧郁邵獄慎希蘇咎宦久渴歲月賡颺覲耆姚舊巢
歸三島小宰聯六曹講幄先經史藝游後莊騷沃根必
洙泗絕源屏金瑤荔苑使節駐楓嶺輿輪超妣陵摩空
碣錢江狎礪磻浴日上岱觀揚颿竝金焦散材易擁腫
小受難容包牧咨更院粵器使慙鈞陶政學耄將及物

外誰能勦後來吁可畏
鯤運曠堂坳與善何必我
鷓鴣聲
鞞膠期子隆
奈棟豈惟挾
雄褒焚香師
清獻陽長陰
沚消寄聲老
梧鳳作德培
丹臺

咏佛手柑

一拳嫩簇雪山芽
香逗祇園老衲家
海印發光初按指
兜綿試手欲拈花
雙垂金臂根無著
六解波羅結不加
此果只應生淨土
青蓮與爾共莖蒞

知足齋詩集卷第九終

知足齋詩集卷第十 乙卯上

大興 朱珪 石君

荅龔子性存三十韻

龔生南國英家世多秀傑汝祖官禮曹壁立界樞闈階
前羣玉森仲也尤純潔立身希曾閔汎愛周任卹用意
崎嶇閒深厚彌罅闕如何愴膏桂翹楚中摧折知交慟
斯人蓀命苦踰奪遺孤孩未齠慈育仰母節榮門有亨
屯竹林感環玦憶昔歲甲辰覲汝劘新發果然善承考
志氣淨冰雪十年遲飛騰千里腕猶蹶皖江暫來遊期
許頗豁達書窺秦漢上射彀豐相率度嶺依涇陽淵源
所自出汝之外王父根柢詞林蔚同遊六雅門父執仰
前喆宅相待才賢似舅師博涉斐然投我詩海嶠探月
窟我窳如啞鐘何以酬撞戛念子敦且勤根茂華自實
服膺洙泗規知四行則一學藝亦多方薄植終滅裂惟
虛道斯集自智如劒映圭璋不磨礪何以薦天室拘墟
守糟粕何以運溟渤子欲登泰華必先遵達術子欲泳
聖涯野史練文質食貧不隕穫旣達無充訕我言雖陳
蕪芹味試一掇

正月十六日奉到

賞

筆大福字竝

旨以珪恭進

御製幾餘詩一部加賚大小荷包七個八寶金錢鏤筆

硃錠等件恭紀二首

言永章韶本

勅幾

心源天稷濬精微金聲玉振闢條理坤絡乾苞測範圍

四部緯經光

帝載

八徵念釋切民依編摩敢忘釐工急颺獻猶欽

知不足齋詩集卷十

二

曷弼違

傳

論有有頌無規不可緩其所急之戒

宜春寶定袋金魚

三錫龍光荷燕譽庚甲年來承

五福

自庚戌出授安徽巡撫至甲寅

賜

御筆福字五次

乾坤泰贍叶蓮茹

立春次日

恩濃丹翰班應近心纈蓮華佩有餘

挂臂小荷包繫中

流壤何能裨海嶽願陳保極億齡書

漫與十八絕

不近楸枰不作詩觀中兀兀坐如尸睡魔驀地來相踞

輸與禪牀老衲師

無中有有中無誰廣誰真誰是吾若問三生真面目
一潭明月照如如

夢中何自媾塵緣覺後方噉結習豎漫說病根容易淨
他時見獵又欣然

願下扁舟挽上難終朝邪許幾重灘中流自在誰家子
到岸方知著腳寬

淡影疎枝若有香梅花消息逗春光山茶自笑鱗紅甚
蜂蝶翩翩爲底忙

玉顏翠袖宛淩波羅韞微塵奈若何裊裊春風不自怯
色香也擬伴維摩水

知是齋詩集卷一

三

素心千里致相於珍重何當見性初白月當霄空不隔

雲車風馬亦悠如得汪靜崖章鹿賓札

三千閩士校雄雌第一應推張孟詞萬錦雲霞天上筆

雙清梅雪歲寒姿張解元騰蛟寧化第一才人也癸丑會試中式用三卿事和相以爲杜撰

斥下等罰科鬱而死於邸

瓦礫爭投且漫譁晚馨學不媿三車素心直得傾城顧

便腹眞堪賦海華蕭山王紹蘭博學雄於文予已酉拔貢也

奇行心推鄭振圖爲兄割臂血霑襦金滕代死聞公且

獨叫鴿原重友于鄭振圖字咸山閩縣人予已亥所取士也天性孝友伯兄得痼疾振圖割

臂肉進之仲兄令共移案振圖以一臂助仲兄叱之振圖泣下兄覺迫而驗之相抱失聲予聞其異察之癡痕

殷然爲之擲竊謂古爲兄割肉者罕矣作資善篇敘其實不知何人竊稿去燬之甚矣人心之嫉善也特志之此於

吳郎端合錦爲名筆是文通豔欲生細楷蠅頭義獻體

五雲高甲佇傳聲吳錦錢塘拔貢博瞻工書鼎甲才也

慧業奇童黃采臣試令代草上

楓宸有章有本

題丹筆

天許能文屬此人黃塚騰驥之子爲予作謝賜職官表摺蒙殊批有章有本可謂

文能

吳郎作賦擬雲淵小鶴應衝老鶴煙慈鶴爲吳觀察俊之子貽我

知是齋詩集卷十

四

瓊華六十串句奇韻險畏來賢

四時長嗅木樨香甜不如梅辣遜薑自是廣寒天上種

文心佛性印清涼

春光得得扇微和消息氤氳到大羅得手由來須閉口

柳梅漏洩又高歌

老味還從醉裏參宵闌酪酏興猶酣若教醒半分明甚

鸛舞回波著恁憨

白衣蒼狗本無憑蜃市蝸邦幻自興堪笑人心如井水

輓轆底事轉長繩

一瞬人心百變生知人自古最難明素修死更推含萬

君實生猶喜蔡京

皇帝在書房時寄示味餘書室歲晚書懷十韻謹次元韻

蜡臘迴星杓鶴籟裊煙篆三微味有餘六籍典所遺生
白室集虛研丹學念典景漸可觀化日孳在思善終朝
藝圃游不覺流光轉撫茲歲事閑嘉苑欣豐衍攄懷遠
不遺萬里情猶緬德輶好有孚詎云克舉鮮何當逐歸
鴻適我中心繼相待望舒圓霽鏡歡重展

題陸包山畫冊十一首

錢塘門外湧金東寶所浮圖矗碧空人度長橋春水漲

遙聞鴉札綠陰中

知不足齋詩集卷十

五

曾憶湖南湘水間甌雲縷縷欲遮山石泉松蔭迷離甚
煙外靈娥擁翠鬟

沙岸亭虛不見人來帆去棹渺無垠江天綠淨連空闊
樹影蘆芽徧地春

遙塔出峰腰輕帆趁去潮客心無芥蒂坐穩說金焦
深林敞草堂四望山水清飛瀑下絕壁迸作風雨聲石
缸淙歸壑遠樹排霄崢誰知塵壒外獨抱懷葛情

買山何所卜鄰希汎汎扁舟過釣磯自有千章消夏日
待看孤月漾清輝招提隔界遙聞磬罷連腔更採薇

福地置身蕭爽意白雲空翠落人衣

大山宮小山茅屋閒瓦屋杉松翠插雲禪關欵白足

四山駮駮羅修屏獨行略徇盱遙青幽人何必羨大隱
晚楓叢桂長芳馨

高松有對論洪崖正拍肩吾廬亦可愛紅葉搖窗前

漁樵問荅各有以不言心醉嵐光起山中招隱好歸來
何必桃源隔春水

同雲羃太空羣玉浩迷濛獨有漁蓑艇悠然朔朔風那
尋埋徑客不見探梅叢誰識包山子炎蒸幻化工

冊子乃暑

月所畫

知足齋詩集卷十

六

奉

旨連日舉行典禮御製詩四章蔡新朱珪學問尚優孫
士毅亦嫻文義著將詩章抄寄閱看卽令恭和進呈
福康安亦鈔寄閱看使之同深欣慶恭紀

同

天文思煥光華見

聖宮牆禮會嘉

高唱四章聯紫綵榮隨三相捧黃麻編排屢沐

龍光賚屬和應慚殷語差典學傳心詞莫贊雍容

堯舜

玉皇家

十臺懷古

姑蘇臺

一代雄王氣未灰三吳何處訪荒臺後先上國爭盟主
臣妾鄰封狎霸才絕世蛾眉歌舞罷如林虎旅火荼開
那堪甬上羞麋鹿獨見東門抉眼來

章華臺

區區不界奈天何積歲臺成意氣多手執殤宮規作瑣
肘加埋壁礪空磨細腰不共雙申夜長鬣難迴四族戈
民瘠君肥千禩戒雪花翠被暫婆娑

朝陽臺

知不足齋詩集卷十

七

巫峯十二接荆門雲雨迷濛露曉暎帝女誰媒空蕩魄
靈修數化但招魂三閭弟子偏多諷萬古風流莫問源
夢斷楚天江水碧湘娥鼓瑟淡無言

黃金臺

昭王發憤洗前羞禮士非同築室謀三戰三城骸正析
千金千里骨先收寧臺鼎呂歸河北昌國旌符下海陬
今日北京標勝蹟當年東嚮指營邱

歌風臺

赤龍沛上起風雲四海威加返照曛一劍指揮三傑駿

重瞳感慨五侯分弓藏漸少熊羆士箕踞誰堪社稷
樂飲高歌還泣下英雄心事向誰云

戲馬臺

壁上諸侯盡膝行鼎中翁媪漫分羹雄騅百戰空貔虎
烈豔千秋記姓名叱咤登臨衣錦日蒼茫憑弔誦弦聲
他年謝客賡吟好逝水浮驂動古情

望思臺

封禪儀成裊白雲通天峻極接神君誰埋木偶災无妄
子弄兵符律有文高廟夢通車相國外家星隕衛將軍
苑空博望歸來築鉤弋如何手自分

銅雀臺

炎靈已燼望塗高騎虎誰知馬食槽對酒舊恩歌契闊
臨臺新鬼餒煮蒿筆端作述文壇健鼎足雌雄武略豪
七十二陵迷總帳千年金盃出波濤

鳳皇臺

李花穠發鳳皇栖記取元嘉丹詔題萬里長城嗟已壞
四家學館尚成蹊玉埋鸚鵡愁僧綽車覆劉班泣會稽
畢竟鵲頭煩鐵騎誰教秉燭待鳴雞

凌歊臺

金根葆蓋盛郊儀冬狩歊雲樹羽旗壁晒葛燈田舍老

畫添鼉鼻寧

去聲

馨兒重扇掩月工哀策六出飛葩獻瑞

詞玉燭君臣慳鬱侍豫章負荷獨委蛇

擬陶淵明形影神贈荅詩用其韻

精贈氣

日月光相逮五敘各有時英英含苞露栩栩蜂咬之念
我初化生非爾詎及茲因依相母子保抱同耄期如何
搖萬感逐逐多慮思珠玉就銷鑠風雨悲漣洏誰能杳
冥中皎日信不疑與子離復合百讀黃庭辭

氣荅精

同生合天巧之死嗟人拙與子甘綢繆懸知苦訣絕我

智慧齋詩集卷十

九

介悔藏愠子通每多悅靜來何交融動去條分別水濁
流已淤火烈煙易滅何如淡以成地凍淵泉熱又如五
月炎繻井寒不竭馬剛轡則柔調御那嫌劣

神釋

形上不可言形下亦已著三人行不疑傾蓋早如故我
初游何所倏忽成比附旅館有主人悲喜敢不與鳥生
八九子分飛不同處汝雖膠漆投我豈百年住譬如交
頸鴛離合亦有數智者營菟裘達士哂喪具大患吾有
身何況身後譽騎麟我獨來砥鼎試同去搏汝入泥丸
莫爲歌利懼拍手上太空何思復何慮

爲大埔楊母張太孺人九十有七壽

同年天培之母

冊年前作節母詩我齒未壯頷未髡母今九秩又開七
我髮星星齒艱脆萍蹤相遠闕登堂鴈題已愧魯靈光
乘槎偶泊扶胥口舊游不見之罟楊龍泉仙鳧久飛去
長畱詩卷陔華句緱母頻餐沆瀣杯桐孫尚蔭琅玕樹
潮州竝海接蓬壺雙髻雲開洞白蓮百歲坊高照螺黛
千春桃發漲神泉

偶作九首

蔬食有至味味更在半飽如何競肥甘邀宴眞苦惱酬
酢非心好酣飲劇顛倒牽率世情多鬱塞三田鼎肉食
若不戒胎神餒且殍穀食若不辟嬰兒難飛矯何當七
日淨自飲甘露醪騰騰兩足輕一舉超霞表

知是齋詩集卷十

十

斷欲廿年餘夢寐漸不著時來窈窕姿了了知六鑿目
視雲與茶如玩花與萼色身兩無染法喜性亦樂是由
勉幾安精化思淡泊食色反其元本性又何惡

精滿不思淫氣滿不思食惟有神難充睡蛇苦迫逼稍
靜卽華胥閉目卽槐國疾雷吾不聞咻鬪吾不識子前
旣薈騰午半尤昏墨慙對老釋迦棒喝怕痛盡何當垂
簾觀皎皎住萬息

富貴苦患失貧賤憂屢空騎虎不得下喪馬泣路窮心

爲境所累何暇觀厥中至人提且命馬耳搖東風所以
言善惡必及吉與凶此理本一貫聽者猶懵懵千土同
慕道未見十有終半途各蹉跌羣疑眩心胸何當一人
達牖彼萬瞽聵

淺夫矜一得自大如夜郎蠹魚死簡素雕蟲誇文章馮
夷旋面目向若猶望羊何況天地大萬牛一毫芒道乃
超其初終始不可量密藏入無間氤氳塞中央誰能喻
其妙畫作圓輪光何以克其缺至靜而德方我欲強名
之曰一曰有常

惟人參三才無我備萬物所以賢聖心獨善猶勿勿居

高所及廣豈必戀袞袂洞天雖云樂姑舍辟支佛爲山
膚寸穿井養九仞汜百六消劫災龍蛇互信屈超然食
氣母逍遙絕塵拂

釋迦與多寶分坐獅子牀玉皇與玉女同現清淨光喻
此大道妙和一眞陰陽氤氳法天地日月交中黃嵬瑣
彼嚙語天老教軒皇豈知道在我挾筴先亡羊何不觀
我生壺中樂未央

嗟嗟可憐蟲蠕蠕親糞穢豈繫生無知而以惡爲愛畏
途何爭趨坎窞投不悔夜氣日以亡有覩不自醜我欲
撞洪鐘以醒充耳輩十年戒迷復三苗猶分北

舞華方榮榮，蟬蛸亦楚楚。苗而不秀者，葦苕暫得所。熙情非無春，變性尚有暑。秋霜復冬烈，何蓄更何禦。有欲同斯螽，無儀慙相鼠。淪胥入深淵，誰秉中宵炬。

喜李比部畏吾過粵時將之朝

不見高人十四年，翩如癭鶴下霄天。瀾翻舊事東流水，濬發新知正出泉。漳浦尺書頻鄭重，笥河手澤更摩編。蒼生養望期開濟，莫負詩書滿腹便。

哭張孟詞進士五首

不朽文誰屬，長吁天祝予。玉樓眞促李，丹篆莫興徐。華暫芬優鉢，材偏恥壽樗。空羣標駿骨，伯樂痛何如。

知不足齋詩集卷十

士

憶昔乘槎日，抽桐出爨焦。九旬親拂拭，一響震空寥。予拔士至汀，搜落卷得君作大賞之置第一。癸卯招至院中，指授三月遂舉鄉試第一。視爾眞麟角，逢人說鳳條。鍾期猶未死，山海向誰招。

心是幽蘭素，人如大玉清。五車便炙輶，三篋富遺籛。潤色吾東里，研摩奏兩京。生爲予草呈特荷。十全頌進，眼中眞

國士一第尚虛名。

生未及補試而卒。

殿

褒齊

眼中眞

友于憐弱弟，鄭重託遺編。遺札以弱弟及遺稿爲託。魂返幾千里，生

離修五年。

辛亥出門過皖至京未歸。

誓余登道岸，度汝上層天。蒼昊

如求士，呼空首薦賢。

慧易超三界，才難贖百身。奇文應泣鬼，苦學亦傷神王。

局來因舊雲旗去路新蒼茫司命意老淚落斯人

祈晴

盆傾瓴建天沈陰早禾夏造愁浸淫萬戶忍饑待饘粥
市僧騰踊逾兼金我慙牧民苦蒿目額禱義御升當心
高呼結璘走天外萍號蚪舞來駸駸蛙鳴階除蝸上壁
衣襦生菌勞烘燥淙淙逼耳聽愁絕蕩蕩沃景方酣霖
韓公正直豁衡霧暫快眼界娛登臨我憂謀鞠敢千福
力微心急天其謀何當薰風收雨脚光明鏡照歡黎黔
芄芄穠穠簞籩滿飶馨上達神祇歆

題蓮士詩草卽以送行

知是齋集卷十

三

阿閣構隆棟太室陳尊彝伊人夙嶺秀清映章貢湄競
爽兩岐嶷英聲卅載馳子聞君兄弟名自乙酉始及乎歲戊戌高甲

冠倫魁哲兄禪悅早揮塵同槎移素心耿相照莊惠濠
上知超然歸兜率五濁遺喧卑我來扶胥海君方操鏡
犀仙骨抱珊瑚洗心澈淵驪談元叩庭籥提耳謀殿屎
我旣拱璧進君亦韋弦規示我琳琅編百首冰雪詞有
時賡險韻韓孟摩旌麾相屬一樽酒重結連理枝披豁
見心性砥礪交師資使節先我北水陸相逐追鳳巢故
宛在遲我鳴葦萋蓬瑤尚可樂待君桃熟期

食早稻

端午初嘗夏至白

早稻名

雨足晴宜登籍籍今年春夏青

黃交米涌民飢珠桂迨海風蚤雨時吹腥西北江勢
瀟澹隄衝圩決魚蝦驕默禱青空杼肝膈幸仰翔陽豁
大蒙居然稻穗垂盈尺饘鬻兼旬勸舍施散利緩徵乞
天澤今朝喜覩玉粒新飴芬薦節歆宗祏餽餘軟滑香
朶頤龍天嘉脫手加額四郊無事萬姓肥月窟天根春
脈脈

皇帝在書房時以

珪蒙

恩內陞總憲詩以寄賀敬次元韻

恩驚

知不足齋詩集卷十

古

申命來別自庚秋數馳傳向皖公若保愧農父依斗西
北欵踰嶺東南撫鴻飛日以遙魚夢醒空憮每羨鳳歸
巢敢說珠還浦五年百幅書懷抱緘肺府心心同蘭金
點點蒸梅雨地戒阻海隅

天光近泰宇述職期自今升階榮超古臺省領紀綱喉
舌欽茹吐

龍齡合嵩呼蟻悃喻壤補 詩懷誦穆清禮足快瞻觀

猶稽月槎迴渴見 雲施普應知侍

席晨更僕那遽剖

馮鷺庭編修以子晉官長句見寄依韻荅之

梅信遙從五嶺開鶴書訝自

九霄來歸朝人說靈光歸

翰林科分推壬戌竇東臯先生爲首公旣致仕次推戊辰

惟予在朝矣

踐斗班聯執法能翔翥岡阿憑獨立扶持棠棟
要羣材聚星漫與慙卿尹清白淵源有著埃

我行

時赴南海三水肇慶督放口糧

我行佩四印而皆非其真

暫留巡撫并管關務兼署總督及巡鹽御史

問我

今何官紀綱執法臣淹留未上道承乏炎海濱此邦實
雄劇跼蹐悍不馴操刀詎辭割恐傷天地仁四民競雖
刀何由返樸淳今年春夏交米貴民食屯散施勸百吏
餽粥拯瘠貧幸荷

知是齋詩集卷十

五

皇穹慈玉稻盈篝困潦水雖偏沴飛章達

楓宸茲行

宣惠澤鴻雁安渚潯假觀素其位誠求瘝乃身卽事紀
行役內訟省宵晨何當及瓜代度嶺攀梅新

偶作二首

從儉入奢易從奢反儉難所以察小物刻意持其端涓
涓流不絕泛溢橫波瀾燄燄苟不息炎火燎原觀物力
實辛苦如何恣焚殘人生福有闕夸者決其闕食前盈
方丈果腹惟一餐萬屋美輪奐居者樂考盤老氏有三
寶可用銘鉛丹

富貴役羣動貧賤營一身衣食急生命哀此作苦人智

慧雖不足而未喪其淳漁樵相勞勸歌嘯各有因咄彼
隸也劣一飽忘艱辛酣參借威福邪徑醜自親此輩何
足道取鑒衣冠倫

度峽

我來溯端江五度高要峽往往行昏宵未及熟羊腓茲
行當六月畏景喘鷺鴨觸石思甘霖掣電偶流雪遙憶
七里瀧近接二禺插釣臺慵未登頂湖秀可呷回首叱
初平山月叫鴨鳩清風四面來及晨練鞅韜

重登閱江樓

江上高樓擁翠鬟西來萬壑鎖天關

知足齋詩集卷十

六

聖恩三度施金粟臣節雙符攝海山鴻渚淹留仍邂逅
謂與許子錦
鶴壽仙同登鷁艦信宿漫追攀瓜期行近吾將北浩蕩
東流閱等閒

出峽

駿馬注平坡下峽舟艣快炎威雖未消風靜利無蒂端
江導自西迤邐匯衆派每當盛漲時噴怒大地隘竭來
水已低晴暘旬苦曬頗疑蛟驪眠佇想雷雨解助我颿
半酣甦我齒痛齟蕩滌暑蘊隆噓吸秋沆瀝何當鞭靈
羊一洗物暗醜

戲作棹歌五首

早禾倍熟晚秧青西稻連艫下建瓴莫忘清和端午後
萬家餽粥賑初停

潮陽海運滯通波米價兼金喚渡河時有就賴有莊生

先貸粟急書庚突活人多惠潮莊觀察肇奎馳書告我急唱輸粟以賑米價漸平

夏初陰雨稻遲黃頻以心齋蕪篆香竟放晴光旬日好

玉秫北至滿登場

圍田漲蓄一隅偏

宵旰分憂請貸蠲此日巡行問父老面無菜色說豐年

去年今日下韶江慙對高牙撫大邦漫說甘棠畱愛樹

免教風雨吠村尨

知是齋詩集卷十

七

莊觀察肇奎施穀千石以賑潮民逾月卽拜粵東

廉使之

命惠迪之吉捷于影響矣作此以勸

天道近如此人心胡不然纔聞振溝瘠已見擢臺賢霜

柏新威肅甘棠舊愛傳知君陰德大努力歆吳泉

竹君先兄忌日

萑苒飛光十五年驂鸞久合住諸天名山著錄夸仙佛

兄嘗言仙佛道自高若論詩文不與易也渴海風流中聖賢字體定窺蒼籀

始詩篇更擬雅騷前長將杯斝思歆侑何日排雲話夙

緣

雜詩四首

人皆營一飽奚事求有餘洪河飲鼯鼠滿腹將焉須金
剛最克己歌利忘切膚老氏損爲用身若大患俱俯拾
仰而將于我已綽如百年亦易盡達者誰爲模

損下斯爲損益下乃爲益上以下爲基陰者陽之宅遠
可經國家近之理百脈懸象交升恆至理眞不易如何
習枯反吉凶變惠逆何以持經綸卽此該龜策
黃老治天下從容出土苴其言有至極非徒大而夸後
賢不解此治絲交紛拏不聞慈儉謙三寶用甚餘散利
以實下不伐善莫加華胥豈云遠民樂眞無涯

知足齋詩集卷十

六

半山不知人涑水未忘我醫國膠陳方救暍急烈火吾
愛李鄴侯微中談適可當其煨芋時十年推頌果何心
一品衣但鳴九節瑣斯人不可見白雲帝右左

池荷開放

盆荷移池中濯濯含風漪藕根舒旣沃雨露潤以時綠
碧葢四被丹白蘼對披我來一流覽芳園增旖旎生物
貴得所擇處良有宜人才與民氣取譬方在斯

次吳曇繡觀察閩省中祈雨詩韻

兼旬晷日揚重離飛廉助燠誰濟之呼號而禱月逾半
日雨無術占靈著太常長齋吾能忍珠桂漸涌民何炊

高穹未憐請屢瀆龍雷那敢干其司惟慙德薄久乘負
竊恐時過難攀追小廉小惠效何有大裁大患責可辭
腐儒自歎肩苦重秉穗無粒救已遲欲飛心精叫閭闔
敢灑血涕濡坡坻夢中騰跨碧驄背傾瓢頻滴膏流匙
吾甘擅命身作腊民或鼓腹溝無羸巫尪詎許代汝譴
昕宵竊省善自爲雲陰暫合復解駁風旂互轉空離披
冰蠟偏忍逆珠噴夸蛾尚憫移山癡如何慈願靳法雨
豈竟援手無良醫然眉已亟庶有豸翹足而望應憐夔
誦君好語面增赤坐我待旦窗透曦嗚呼
天高倘不厭明當甲換祈酣滴

知不足齋叢書卷十

九

病中聞 冠山三兄訃哭不成聲委頓不能作哀

詞稍瘳乃補作四首

老去悲兄弟回看剩子身六秋成永訣一面竟無因壽
考歸山日羈留宦海人病中聲不屬飲泣獨傷神

四鳥完山集分飛仲始傷癸巳冬泉 兄仙逝叔兮驚殞落辛丑 箭河

世兄厭伯也獨康強愛我情如稚臨歧泣數行手書衰漸

少無處達中腸

伉儷齊眉重盧氏嫂今年七十有九猶健善孫曾繞膝多過庭雙畫錦

開燕聚笙歌今春大姪彤三姪蔽皆自東省 以官使假歸爲二老稱觴誌慶經卷曾持

誦曩在都每日聞 兄誦經咒詩書又發科去秋孫澄 舉鄉榜榮哀誠備福

獨我悵如何

引疾歸田早馳封荷

主恩

珪奏得

馳封兄中憲大夫

日講起居注官

大

賓鄉飲數

舉鄉飲大

千叟

國光蕃

與千叟宴

願說無生法同皈不二門

鴿原猶可

叫慈後與招魂

兄福報甚厚所欲進者性光耳

謹次

皇太子山莊秋景雜興四首元韻中有

見懷之律

萬木見疎林千巖豁翠陰
嗚于兼衆籟琴筑蒼清音
佳

知是齋詩集卷十

二十

色黃花淡寒宵玉露深
炎州榮有桂未喻歲寒心

使節驚槎月歸心急渚
鴻地雖迂赤岸天不隔
青空鶴

和通霄碧葵開捧日紅
秋潮終會海向若目難窮

鑑水天光合空明動遠
巒魚猶穿荇樂菊未傲
霜殘心

洗金波淨神移玉界寬
不知層嶺疊翹首仰雲看

秋獮曾陪扈羊腸九曲
清鍾峯千仞上樺嶺萬
嵐平鹿

速朝巖跡龍吟夜雨聲
馬揚慙賦手忠愛有餘情

皇太子書示秋仲寄懷次紀

恩詩韻敬和二首

塵塵虛懷萬善幾月中
日復又三微望羊浩晶
川方至

獲鹿連翩山合圍 鶴禁居高心尚爾
鴻逵慕遠意猶依 應知敷衽 重華際不使 清光咫尺違

嘉樂賡歌在藻魚 應求遠速二多譽
九臯陰和孚心願 三進陽來泰彙茹
前席不辭衷激切 承筐未敢語紆餘 酬

恩那隔雲山峻先 獻知難無逸書

皇太子以 珪蒙

恩陞兵部尚書詩以寄賀謹次元韻

西臺未有芻蕘效 南省旋司愷獻隆
責重頻年慙作牧 恩深何日快趨公
七旬獸舞來威近 三接 龍樓仰德

知是齋詩集卷十

三

崇 玉粹金和叨 遠問舉頭長見 日當中

恭聞九月初三日

冊立禮成敬疊前韻誌慶

三日闔門宣

冊典萬年 嘉慶協

乾隆

心傳堯舜庭闈密

道合官家天下公 孝友臚歡眞綵舞

壽祺引翼備尊崇 遙知四表

重光照春益仁山福海中

游坡山穗石亭

在左翼副都統署其東鄰卽五仙觀或云東坡曾游此

坡翁度嶺南遷時雲姬過子相追隨道遙曾訪蒲澗寺
信宿或到穗石基五羊城中五仙觀坡山得名詎在斯
大賢所過卽勝蹟巍然疑山阜爭光輝我欸軍門一眺覽
東鄰突兀鐘樓巍神仙詞伯逝汗漫落日尚映蒼松脂
怪翁天上老奎宿騎麟被髮胡爲哉豈矜才大造化蹙
未到法忍金剛哈浮榮游戲八州督垂老放逐三閩累
扶背劍氣暈吞日羅浮鶴骨香侵梅胷中磊魄磨不盡
又渡儋海投珠崖黎婆叫破玉堂夢伽姥慈護瓊濤歸
詩波霑漑後萬古神水貫注天九垓我齒及公拜玉局

知是齋詩集卷十

三

公拜玉局北
歸年六十五

招我歸去來

祭南海神廟用昌黎謁衡嶽廟韻

海王百谷超三公東南巨匯龍宅中祝融高下幹瀛嶽
吞沃星極尤恢雄外包萬島布萬國鵬徒鼇抃靈無窮
我巡粵疆冬再格爲民祈福從雨風溥天薄海宣

帝化蒼生託命誠則通馨香拴醴亦何有功德願力彌
虛空鯨鯢淨埽億秒粒神所覆育天昭融五更捨筏致
齋風洗心控首朝珠宮殷雷欲摩銅鼓黝浴日尚瞰金
鷄紅行當北上瞻南土鑒此信宿言由衷火房鬱攸珠

貝眈誰問疾苦清厥躬扶持善氣蕩氛惡保富而穀幽
明同颺盲不作霖旣濟纏虺遠遜氓考終助調乾德奠
坤軸宰御在宥惟神功膏施非屯妙用壯光聚元始穿
朦朧復歸无極貫天稷淙淙萬派長朝東

銅鼓歌

秩禮登降旋靈旗載觀銅鼓模范奇徑盈五尺圍丈五
面平空腹蟠蛟夔叩之鏗鉤更鞞鞞體恢製古誰所遺
夸言發聲震十里驚走番舶波羅師嬰鑠將軍手鑄造
崢嶸銅柱同鑪錘飛鳶跼空交趾破明珠蕙茂橫謗疑
兩圓駝載鎮廟蕭雄飛入海畱其雌齊諧野諺吹一吹

知不足齋詩集卷十

三

丁寧右媵撞已虧

殷西亞鼓徑小五分之一腹已撞裂

誌云元和節度鄭

得自高守供諸祠

通志唐高州守林霽得于蠻豕節度使鄭綱以獻廟

到今千載

繡堅駁摩挲未到鐘追蠡每當夏歎疫癘作移置狴犴
禳兇魘神威憑式器求舊禹鼎帝鉢靈護持放勳南訛
久平秩揚颿鏡海威鉦聲馨香升聞神佑順長應鼙奏
興甘祁我歌壽汝比獵碣魂褫貳負俘三危還淳土鼓
歌擊壤底用珍怪夸荒夷

